



NEWSLETTER BR. 45

NOVEMBAR 2018

SADRŽAJ

FIPA AKTIVNOSTI ≡

- » FIPA NA KONFERENCIJI O HIDROENERGIJI RENEXPO INTERHYDRO U SALZBURGU
- » ODRŽANA PRVA POSLOVNA I INVESTICIJSKA KONFERENCIJA BIH-NINGBO
- » AKTIVIRATI EUROPSKE INVESTITORE IZ RUMUNJE DA INVESTIRAJU U BIH
- » DELEGACIJA FIPA-E U LONDONU NA VODEĆEM EUROPSKOM SAJMU PROMOCIJE POTENCIJALA ZA STRANE INVESTICIJE
- » PREDSTAVNIK FIPA-E U JAPANU NA PROSLAVI 60. GODIŠNJICE JETRO-A
- » DELEGACIJA FIPA-E NA MEĐUNARODNOM SAMITU „HIDROENERGIJA BALKANA 2018“
- » NOVOIMENOVANI TRGOVINSKI SAVJETNIK AMBASADE TURSKE POSJETIO FIPA-U

FIPA POSLOVNE VIJESTI ≡

- » AUSTRIJSKI BOXMARK LEATHER GRADI NOVU PROIZVODNU HALU

FIPA AKTIVNOSTI ≡



ODRŽANA PRVA POSLOVNA I
INVESTICIJSKA KONFERENCIJA BIH-NINGBO



AKTIVIRATI EUROPSKE INVESTITORE
IZ RUMUNIJE DA INVESTIRAJU U BIH ≡





FIPA NA KONFERENCIJI O HIDROENERGIJI RENEXPO INTERHYDRO U SALZBURGU



Sajam i konferencija o hidroenergiji RENEXPO INTERHYDRO 2018 u otvoren je 29. novembra u Sajamskom centru u Salzburgu.

Predstavnik Agencije za unapređenje stranih investicija BiH (FIPA) Amir Kazić je imao prezentaciju "Hidropotencijal i budući projekti u Bosni i Hercegovini" u okviru Bloka III pod nazivom : 1. Samit i privredno povezivanje " Investiraj u regiju Balkana".

Ostvareni su susreti s eminentnim europskim kompanijama, potencijalnim investitorima u projekte hidroelektrana BiH.

Više info na www.renexpo-hydro.eu



ODRŽANA PRVA POSLOVNA I INVESTICIJSKA KONFERENCIJA BIH-NINGBO



Zahvaljujući dugogodišnjoj suradnji Agencije za unapređenje stranih investicija BiH (FIPA) i nadležnih institucija i privrednika Grada Ningboa, održana je Prva poslovna i investicijska konferencija BiH-Ningbo, 29. novembra 2018. godine, u Sarajevu, uz suorganizaciju Ministarstva vanjske trgovine i ekonomskih odnosa BiH, Vanjsko-trgovinske komore BiH, te Narodne vlade Ningboa i Komisije za trgovinu Općine Ningbo. Konferencija je organizirana s ciljem promocije Bosne i Hercegovine kao lokacije za ulaganje za kineske privrednike, predstavljanja mogućnosti za ulaganje, uključujući različite privredne sektore, povezivanje bh. privrednika s kineskim poduzetnicima, te uspostavljanje značajnije ekonomske suradnje s fokusom na privlačenje investicija i jačanje izvoza. Privredni susreti doprinose afirmaciji imidža Bosne i Hercegovine i bh. privrednih mogućnosti u širim svjetskim privrednim krugovima, imajući u vidu činjenicu da su BiH potencijali nedovoljno medijski promovirani, i stoga relativno nepoznati na velikim tržištima poput Kine i drugih zemalja.

Na konferenciji je učestvovalo 17 kineskih kompanija iz slijedećih privrednih grana : tekstilna industrija, proizvodnja opreme iz oblasti energetike, proizvodnja medicinske opreme, proizvodnja mobilnih kuća, proizvodnja plastike, proizvodnja dijelova od legura aluminija, proizvodnja mašina i auto-dijelova, proizvodnja mobilnih kuća, hemijska industrija, proizvodnja proizvoda od nehrđajućeg čelika, proizvodnja opreme za vino, međunarodni špediteri, i to kompanije : Ningbo Xianfeng New Material Co.Ltd, Ningbo Sanxing Medical and Electric Co.Ltd, Sino-Italy Tus-Investment Co.Ltd, Ningbo Deepblue Smarthouse Co.Ltd, Ningbo Baiyi Towa Ayto Parts Co.Ltd, Ningbo Xiangshan Wahsun Plastic&Rubber Products Co.Ltd, Ningbo Huaxiang Import&Export Co.Ltd, Ningbo Xiangshan Jiagang Mould Co.Ltd, Ningbo Kaili Machinery Mould Co.Ltd, Ningbo Rund Machinery Manufacturing Co.Ltd, Xiangshan Tianxing Auto Fittings Co.Ltd, Ningbo Aoxiang Fine Chemical Co.Ltd, Ningbo Moreshine Imp&Exp Co.Ltd, Ningbo Zhonzhan International Exhibition, Ningbo Spring International Freight Co.Ltd, Ningbo Yinliang Foreign Trade Co.Ltd i Ningbo Tinglong Food Machinery Co.Ltd; 35 predstavnika kompanija, te 27 predlagača/ vlasnika projekata i poslovnih zona iz BiH i 49 predstavnika bh. kompanija iz mašinske industrije, proizvodnje građevinskog materijala, izdavačke djelatnosti, proizvodnje ljekobilja, inženjeringa, proizvodnje vina, itd. Neke od bh. kompanija koje su učestvovala na konferenciju su : Eko industrijski otpad Zizi d.o.o., JP Zavod za udžbenike i nastavna sredstva AD I. Novo Sarajevo, Miličević d.o.o., Milfas d.o.o., Nevra do.o., Ljbilje d.o.o. Ljubinje, Vinogradi Nuić d.o.o., Sarajevo Invest d.o.o., itd. Nakon što je FIPA prezentirala mogućnosti za ulaganje, kineski poduzetnici su iskazali interes za pojedine bh. projekte, te su nakon konferencije održani B2B sastanci između nosilaca projekata i zainteresiranih kineskih investitora. Najveći interes je iskazan za bh.energetske projekte, industriju auto-dijelova, te izvoz vina iz BiH.

Očekuje se tješnja privredna suradnja u narednom periodu.

Pored predstavnika FIPA-e, na konferenciji su prisustvovali predstavnici Ministarstva vanjske trgovine i ekonomskih odnosa BiH, Vanjsko-trgovinske komore BiH, kineskih nadležnih institucija Grada Ningboa i Ambasade Kine u BiH, nadležnih institucija FBiH i RS, Vijeća stranih investitora FBiH, Privredne komore FBiH i drugi.



AKTIVIRATI EUROPSKE INVESTITORE IZ RUMUNIJE DA INVESTIRAJU U BiH



Gordan Milinić, direktor Agencije za unapređenje stranih investicija BiH (FIPA), informirao je novoimenovanog ambasadora BiH u Rumuniji Aleksandra Dragičevića o trenutnim rumunskim investicijama u BiH i trendovima vanjsko-trgovinske razmjene između dvije zemlje.

Prema podacima Centralne banke BiH, rumunske investicije u BiH trenutno iznose 3,4 miliona KM. Najznačajnije rumunske kompanije su : Steel Mehanka d.o.o. Drvar, Astra Invest d.o.o. Lopare, Corrado Penna d.o.o. Laktaši, koje posluju u oblasti mašinske industrije, proizvodnje i trgovine kožom. Ambasador je također upoznat s bazom investicionih projekata kojom raspolaže FIPA, uključujući i investicione lokacije, te uslugama koje FIPA pruža stranim investitorima.

Ambasador će u narednom periodu organizirati sastanke s privrednim komorama i udruženjima privrednika u Rumuniji, te počasnim konzulom BiH u Rumuniji, s ciljem jačanja ekonomske suradnje između dvije zemlje s fokusom na investicije, te će pojačati angažman bh.ekonomske diplomatije kako bi nivo rumunskih investicija bio značajnije poboljšán u narednoj godini.

U posljednjih nekoliko godina raste interes stranih kompanija da premjeste svoju proizvodnju iz određenih zemalja u BiH radi jeftinijih troškova poslovanja.

U Rumuniji posluje veliki broj europskih kompanija koje planiraju preseljenje proizvodnje u neku od zemalja okruženja, u čemu BiH vidi veliku šansu, te će stoga bh. ekonomska diplomatija uložiti značajne napore na ovom polju.



DELEGACIJA FIPA-E U LONDONU NA VODEĆEM EUROPSKOM SAJMU PROMOCIJE POTENCIJALA ZA STRANE INVESTICIJE



Delegacija FIPA-e na čelu s direktorom Gordanom Milinićem i federalni ministra trgovine i predsjednik Vijeća za strane investitore FBiH Zlatan Vujanović učestvuju po prvi put na vodećem europskom sajmu promocije potencijala za strane investicije Going Global 2018 koja se održava 14. i 15. novembra u Londonu s ciljem privlačenja novih stranih investitora za Bosnu i Hercegovinu.

Na sajmu, FIPA ima štand na kojem su predstavljeni promotivni materijali BiH i gdje se održavaju sastanci s investitorima iz cijelog svijeta.

Danas je pored pojedinačnih prezentacija koje se organiziraju, održana je i prezentacija za veliku grupu potencijalnih stranih investitora iz Velike Britanije, koji su upoznati s mogućnostima za ulaganje, te su im pružene sve potrebne informacije o atraktivnim sektorima za ulaganje.

Uspostavljeni su kontakti s nekoliko vodećih svjetskih investitora, s kojim je dogovorena dalja suradnja, te njihova posjeta BiH.

Going Global Live je vodeća europska konferencija i sajam promocije potencijala za strane investitore, koji istražuju mogućnosti za ulaganje u inostranstvu, te koji se žele širiti na međunarodnom nivou.

日本貿易振興機構 (JETRO) 創立60周年記念国際シンポジウム
JETRO 60th Anniversary Symposium
November 8, 2018



PREDSTAVNIK FIPA-E U JAPANU NA PROSLAVI 60. GODIŠNJICE JETRO-A



Predstavnik FIPA-e u Japanu Shigehiko Nishihama učestvovao je na proslavi 60. godišnjice postojanja Organizacije za vanjsku trgovinu Japana (JETRO), koja je održana 8. novembra u Tokiju, Japan.

Ovom prilikom, g. Nishihama je izrazio zahvalnost predsjedniku i izvršnom direktoru JETRO-a Hiroyuki Ishigeu i izvršnom podpredsjedniku ove organizacije Yasushiu Akahoshuu na podršci koju JETRO-u pruža Bosni i Hercegovini dugi niz godina.

FIPA surađuje s japanskom organizacijom više godina. Do sada je finansijski podržala mnogo projekata u BiH, uključujući i podršku izvoza vina BiH u Japan u 2014. godini. U oktobru 2016. godine JETRO, odnosno njihov ured iz Beča, podržao je organizaciju japanske poslovne misije u BiH. Po prvi put su japanske kompanije iz Europe i Turske (ukupno 13 kompanija i 20 predstavnika) poslale delegaciju u BiH, koja je boravila tri dana u našoj zemlji.

G. Nishihama je u kontaktu s JETRO-om već više od 20 godina.



DELEGACIJA FIPA-E NA MEĐUNARODNOM SAMITU „HIDROENERGIJA BALKANA 2018“



Direktor FIPA-e Gordan Milinić i Amir Kazić, Regionalni predstavnik FIPA-e u Mostaru, učestvovali su na Drugom međunarodnom investicionom samitu i izložbi " Hidroenergija Balkana 2018" od 6. do 8. novembra 2018 u Budvi. Glavni ciljevi Samita su bili predstavljanje hidropotencijala i inoviranih investicionih projekata zemalja Balkana i razmatranje ograničenja sa kojima se susreću domaći i strani vlasnici postojećih hidroelektrana ali i potencijalni investitori, u procesu izdavanja potrebnih dozvola za izgradnju novih hidroenergetskih objekata. Samit je okupio predstavnike državnih institucija, regulatora, operatora investitora i međunarodnih kompanija koje proizvode opremu za hidroelektrane, iz 15 zemalja širom svijeta.

Govornici iz različitih europskih zemalja su predstavili razvoj hidroenergetskog sektora primjerima najbolje prakse i najnovijim inovacijama. Pored toga, raspravljalo se i o zajedničkim zadacima i izazovima u daljnjem unapređenju hidroenergije. Na plenarnoj sesiji posvećenoj razvoju hidroenergetskog sektora Balkana, direktor FIPA-e Milinić je govorio o hidroenergetskim potencijalima Bosne i Hercegovine, te mogućnostima za ulaganje i trenutno raspoloživim projektima.

G. Kazić je bio moderator šeste sesije "Izgradnja novih i projekti rekonstrukcije postojećih hidroelektrana na Balkanu" u okviru koje je predstavio atraktivne investicione projekte hidroelektrana BiH, dugoročni plan razvoja postojeće prenosne mreže, procedure za implementaciju projekata i režime za dobivanje dozvola i saglasnosti.

Nakon prezentacija na pomenutim sesijama otvorene su panel diskusije o predstavljenim temama.



NOVOIMENOVANI TRGOVINSKI SAVJETNIK AMBASADE TURSKE POSJETIO FIPA-U



Direktor Agencije za unapređenje stranih investicija BiH (FIPA) Gordan Milinić razgovarao je s novoimenovanim trgovinskim savjetnikom Ambasade Turske Sevgin Gungor o trenutnim turskim investicijama u BiH, te mogućnostima suradnje s ciljem dolaska novih investitora iz Turske. G. Milinić je predstavio rad FIPA-e, suradnju s nadležnim institucijama na polju promocije BiH i njenih potencijala u inostranstvu, te trenutnim aktivnostima u BiH na pružanju podrške postojećim investitorima radi njihovog daljeg širenja i zapošljavanja lokalne radne snage.

Zaključno s decembrom 2017. godine, investicije iz Republike Turske u BiH su iznosile 420 miliona KM. Turska se nalazi na 11. mjestu na listi zemalja najznačajnijih stranih investitora u BiH, s učešćem od 3% u ukupnim investicijama u BiH. Najznačajnije turske investicije u BiH su : Natron – Hayat d.o.o. Maglaj, Sisecam Soda Lukavac d.o.o. Lukavac i Turkish Ziraat Bank Bosnia d.d. Sarajevo.

Istaknuto je da je priliv stranih ulaganja u 2017 iznosio 777 miliona KM, što predstavlja rast od 37.9% u odnosu na ulaganja iz 2016, te da u prvih šest mjeseci 2018, priliv stranih ulaganja iznosi 452 miliona KM. Dogovoreno je da trgovinski savjetnik informira privredne i industrijske regionalne komore u Turskoj, kao i nadležne institucije o potencijalima BiH s ciljem uspostave bliže suradnje, te da pruži podršku u implementaciji medijske kampanje „Invest in BiH“.

Također će informirati FIPA-u o održavanju značajnih investicionih konferencija i privrednih dešavanja na kojima bi se mogla predstaviti BiH i njeni investicioni projekti.

Istaknut je i značaj rada počasnih konzula BiH u Turskoj Kemala Bajsaka i Muzafera Čileka na promociji BiH i njenih potencijala, te suradnji s turskim privrednicima s ciljem investiranja u BiH.

FIPA POSLOVNE VIJESTI ≡



AUSTRIJSKI BOXMARK LEATHER GRADI
NOVU PROIZVODNU HALU



AUSTRIJSKI BOXMARK LEATHER GRADI ≡
NOVU PROIZVODNU HALU





AUSTRIJSKI BOXMARK LEATHER GRADI NOVU PROIZVODNU HALU



Kompanija Boxmark Leather značajno širi svoje proizvodne kapacitete u Lukavcu, što će dovesti do otvaranja velikog broja novih radnih mjesta.

Kompanija je prisutna u Bosni i Hercegovini (BiH) već neko vrijeme i riječ je o jednoj od najznačajnijih stranih investicija u BiH u posljednje vrijeme.

Austrijski Boxmark je jedna od najvećih globalnih kompanija koja se bavi proizvodnjom kože i proizvoda od kože, a dobavljači su vodećih svjetskih kompanija u automobilske industriji.



TELEPERFORMANCE OTVARA RADNA MJESTA



Kompanija Teleperformance, koja pruža podršku klijentima iz različitih privrednih sektora putem više kanala, otvorio je svoj ured u Sarajevu, a prva postavka od 25 zaposlenih kandidata već je počela sa stručnom obukom.

Planiraju zaposliti 100 osoba do kraja 2018. godine, te 400 do kraja 2019.
Ako bude interesovanja, do 2020, mogli bi zaposliti od 800 do 1.000 osoba.



WATREX EXPO – 4. MEĐUNARODNA KONFERENCIJA I SAJAM TEHNOLOGIJA ZA PRERADU VODE - KAIRO OD 20-22 MARTA 2019.GODINE



ATF – „Al Awael International Trade Fairs“ – vas poziva da učestvujete na 4. Međunarodnoj konferenciji i sajmu tehnologija za preradu vode koja se održava od 20-22.marta 2019. godine u Kairu.

ATF - Al Awael za međunarodne sajmove trgovine - je kompanija zadužena za organiziranje međunarodnih sajmova. Cilj im je da postanu vodeća i jedinstvena kompanija u svijetu iz oblasti organizacije sajmova i izložbi, a dizajnirani su kao idealna platforma za strane, regionalne i lokalne kompanije koje žele pokrenuti ili unaprijediti poslovanje na Bliskom istoku.

Sajam predstavlja najjedinstveniji događaj u Egiptu, Africi i Bliskom istoku prikazujući najnovije tehnologije u sektoru vodoprivrede. Zainteresirane strane širom svijeta koje žele dijeliti svoje poslovne mogućnosti, istraživati inovativna vodna rješenja i širiti mrežu dobavljača su dobile idealnu priliku povezivanja s dinamičnim ekosistemom egipatske vodoprivrede.



MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



DA BISTE SAZNALI VIŠE O USLUGAMA FIPA-E,
KOJE SU BESPLATNE, KONTAKTIRAJTE NAS
DIREKTNO.

Dubrovačka 6.
71000 Sarajevo
Tel: +387 22 278 080
Fax: + 387 33 278 081
e-mail : fipa@fipa.gov.ba
www.fipa.gov.ba

Ured FIPA-e Mostar
Kneza Višeslava, Office 54.
88000 Mostar
Tel/Fax: +387 36 558 815
E-mail: mostar@fipa.gov.ba

Ured FIPA-e Banja Luka
Jovana Surutke 13/III
78000 Banja Luka
Tel/Fax: + 387 51 226 180
E-mail: banjaluka@fipa.gov.ba

A map of Europe with white outlines of countries on a blue background. The country of Bosnia and Herzegovina is highlighted with a semi-transparent overlay of its national flag, which features a yellow triangle at the top, a blue triangle at the bottom, and a white diagonal line with seven white stars.

INVEST IN BOSNIA AND HERZEGOVINA YOUR NEW OPPORTUNITY

WWW.FIPA.GOV.BA